

ভিত্তিপত্র

(মতামতের জন্য সম্পাদক শরী নন)

পলিটেকনিক ছাত্রদের শিক্ষা বর্ষ পিছিয়ে যাচ্ছে

আমাদের দেশের পলিটেকনিক ইনস্টিটিউটগুলোর শিক্ষা বর্ষ প্রায় আড়াই বৎসর পিছাইয়া আছে। এরপরও সরকার লক্ষ্য না করিয়া টংগীস আই, সি, টি, ডি, টি, আর-এর হায়ার ডিপ্লোমা ইঞ্জিনিয়ারিং কোর্সের নামে একটি নতুন কোর্স বাহির করিতেছে। এর বিরুদ্ধে আজ ৪ মাস যাবৎ আন্দোলন করিয়া আসিতেছে ১৮টি পলিটেকনিক ইনস্টিটিউটের ২৫ সহস্রাধিক ছাত্র-ছাত্রী এবং আমার দৃঢ় বিশ্বাস যে, আই, সি, টি, ডি, টি আর-এর হায়ার ডিপ্লোমা ইঞ্জিনিয়ারিং কোর্স সংশোধন না করা হলে ও ৪ মফা দাবী না মানিলে ১৮টি পলিটেকনিক ইনস্টিটিউটের সব ছাত্র-ছাত্রী আন্দোলন করিয়া যাইবে। এবং আস্তে আস্তে অধ্যয়নরত ছাত্র-ছাত্রীদের শিক্ষা জীবন অধিকতর অনিশ্চয়তার

সম্মুখীন হইবে।

ইতিমধ্যে ঢাকাসহ দেশের কয়েকটি পলিটেকনিক ইনস্টিটিউট অনিদিষ্টকালের জন্য বন্ধ করিয়া দেওয়া হইয়াছে। উল্লেখ্য যে, শিক্ষাবর্ষ জটিলতার কারণে ১৯৮৪-৮৫ শিক্ষা বর্ষের ছাত্র-ছাত্রীদের ক্লাস সবে মাত্র শুরু হইয়াছে। এক বৎসবে ২টি পর্ব শেষ হইবার কথা, কিন্তু এ পর্যন্ত ১টিও পর্ব পরীক্ষা শেষ হয় নাই। এদিকে ১৯৮৫-৮৬ শিক্ষাবর্ষের ছাত্র ছাত্রীদের দেড় বৎসর পার হইয়া গিয়াছে, তাহারা এখনো ক্লাস রুমের মুখ দেখিতে পারে নাই। অর্থাৎ গত মাসে আবার ১৯৮৬-৮৭ শিক্ষাবর্ষের ভর্তির বিজ্ঞপ্তি শুরু হইয়াছে। কবে যে ক্লাস শুরু হইবে, তাহা একমাত্র আল্লাহ জানেন। এর ফলে দেশের কারিগরি শিক্ষা ব্যবস্থা বিপর্যস্ত এবং ক্রমশঃ

(২-এর পাতায় দ্রঃ)

চাওপত্র

(৪-এর পাতার পর)

শিক্ষা জীবন দীর্ঘায়িত হইয়া চলিয়াছে। দরিদ্র পরিবারের অনেক ছাত্র-ছাত্রী হয়তো বাধ্য হইয়া কারিগরি শিক্ষা থেকে বিদায় নিবে। তাই সরকারের কাছে সব ছাত্র-ছাত্রীর পক্ষ হইতে এই অচলাবস্থা নিরসনের অনুরোধ জানাইতেছি।

মোঃ ফরিদ উদ্দিন (মাসুম),
বোল নং-১১৭ (দ্বিতীয় শিফট),
৩য় বর্ষ যন্ত্রকোশল,
ফরিদপুর পলিটেকনিক
ইনস্টিটিউট, ফরিদপুর।